

續刻書院原委以補學校之闕由

邑志學校一冊書院缺如非無之也不備而虛設與

無之等也考宦蹟明萬曆知縣楊翰建尚友堂會課諸生後不詳所在本朝乾隆庚辰胡公奠域於南關廂創建關帝廟卽於廟之西偏附修書院正廳三楹傍廊六舍院之前圍以短垣內構亭名南薰以關廟前廳高爽權作講堂而西牆碑記學田其遺蹟也後講堂仍作關廟前廳而書院以葺補失時半鞠茂草則頽廢者久矣嘉慶癸酉劉公澄依南薰舊址捐募興工命歲貢劉安瀾生員周登貴賈永清何發科監

寧遠縣志

理創修正廳五間東西廂各六間未告竣而公以疾

卒監理諸人權立門戶故其事亦寢道光庚寅春

邑侯蘇公涖任公名得坡雲南景東廳庚午科舉人清明仁恕以實心行實政治績不可枚舉而於書院尤經畫周詳克增美備一切備載詳察是不可不續入志以補學校之闕至於書院之記與九九橋說凌雲塔記仁人之手澤可以見仁人之用心附刻之以供後人之採擇亦以示遺愛之不能忘也

道光十五年歲次乙未孟秋邑舉人陳至要謹識



詳案

寧遠縣蘇為通詳立案以垂久遠事竊查卑縣舊無考棚每遇縣試以衙署作考場童生五百餘人不能編號難以考取真才向有書院一所在南城內地勢寬廠僅存上房五楹兩廂各六間半皆滲漏前設大門短垣可踰不惟難作考場於書院規模亦屬未備加以逸年經費只取息銀五十一兩息錢五十八千不能延請山長亦無生徒住院僅同虛設今職增修講堂外廂大門圍牆照牆常年作書院試期可作考棚於前年四月墊支興工九月工竣計費錢六百八十餘千諭令各里量力捐貲為經費計復於縣

寧遠縣志

之西偏隙地建舖房十三間後院十間南倉外舖房四間自前年興工至本年四月工竣費錢七百餘千及各里捐貲彙集僅八百八十餘千除卑職捐錢三百千外尚屬不敷現在經畫彌補核本年職任內三次發商生息錢一百二十千歲獲息十七千二百所建舖房賃錢六十六千將原有學租歸入書院共租錢十一千二百租糧四市斗合以原有息錢五十八千共錢一百五十二千四百息銀五十一兩可以延請山長量設膏火酌送山長脩金八十千每月官課一次超等生員獎勵錢八百特等生員獎勵錢五百私課不到一次減錢一百童生上卷獎勵錢五百

卷獎勵錢三百私課不到一次減錢五十每月給禮書紙筆錢五百山長課三次禮書給卷領價俟甲乙評定送縣出榜曉示其生息之銀存作鄉會試賓興卷金之費每歲所取生息銀錢令應貢廩生經手支銷年終報銷存件歲給該生膏火錢六千所有卑職增修書院兼作考場加蓋生息酌定支銷緣由理合具文通詳立案

一胡任於乾隆二十七年發商生息銀一百五十兩三分行息

一賈任於嘉慶二十五年發商生息錢二百千二分行息

一靳任於道光六年發商支剩息銀四十兩一分五厘行

寧遠縣志

息又發商支剩息錢一百二十千一分五厘行息

一蘇任於道光十年發商生息錢四十千一分五厘行息

係斷出王陳常等捐贖地價有案又十一年發商生息錢

四十四千一分五厘行息係莫保盈謝大娃康丕承等捐

贖地價又發商生息錢四十六千一分行息係鄧榮等捐

贖地價有案

一詳明原有學租歸入經費視峯里趙可一糧四市斗范

蠻娃錢二千劉楷錢二百孫愈孫懋錢三千鴛鴦舖楊興

漢丁萬箱租錢六千

正興書院碑記

邑令蘇得坡

語云人才之生關乎運會予以為才而為運會所關此天地之精英山川之靈秀萃聚而生乃崛起與起不本於學問不承於父師也信斯言而以人才期之運會將志士可不厲行而學校可不設矣孔子云十室之邑必有忠信而責以好學誠以學之至則可為名儒即可為名臣自古帝王作育人才立庠序學校以教之董以師儒加之培養天下不致有無才之患而國家恒以收得人之慶則人才不擇地而生亦不待時而出也我朝

聖聖相承二百餘年

作人雅化雲漢為章

寧遠縣志

三

皇上御極之初臨廡講學特頒

上諭令天下有司修葺書院增益膏火有能好義捐貲者大吏以時奏聞給予銜品誠以國家用才取諸科甲科甲之才出於書院方今學校如林國子監之不得而收者有省會書院以收之省會書院不得而收者有府州縣之書院以收之故科甲遍於天下而書院即儲才之地也寧邑書院始自何時邑志無考乾隆年間遞有修廢今之正房五楹兩廂各六間詢之督理工程之何生發科則重建於前位劉而規模猶嫌未備予承乏斯土考試無可扁之闈即擬增修書院以圖兼作考棚隨值兵差未果歲壬辰挽馬君

國棟周君世勲高君安祥鳩工庀材新建講堂五楹外廂
各五間高其開闔厚其牆垣庶幾得大觀焉落成之餘衆
請易名以為煥發之兆予以新興邑之號也
意焉名之正興而僉曰然固興邑父老計經費之所出於
署之西偏隙地修舖舍以為生息令各捐貲以勸其事及
工竣十八里捐有成數合計工費之不敷者予悉籌畫而
完成之定立章程通詳立案從此居業有定所聊與邑人
士親師取友相觀而善後之人與我同志續為增益經費
得以廣聚生徒而宏樂育學者爭自奮發或為名儒或為
名臣豈不懿哉

寧遠縣志

四

九九橋說

邑令蘇得坡

橋名九九紀時也此地本高橋堡其為地因橋名橋因地
名志無可考自嘉慶間縣典史鞏倡修土橋不數月而圯
復甃石建大橋額曰東鞏亦數年而圯僅東鞏之坊存焉
至今人咸曰高橋而不知有東鞏則亦何取予易其名也
然吾必易之者正自有說前此溝深無橋繞道而行今橋
成而往來行人取道於斯必有小憩而流連者設以人曰
高橋而高橋之則顧東鞏之舊額有深訝焉將因其額而
名之則橋固仍居城之東而鞏乃其人雖寓鞏因之意於
今究無取也憶予自庚寅下車即議興修迄癸巳四月始

果與工圖之也久闕九月九日而橋適成或者高橋取乎地東擊取乎人今則因地之勢集人之力上應天時可也垂之久久歟夫九陽數也陽剛則行健乾道用九而不亢吾不敢知曰斯橋之成卜年卜世而罔替也因其成於重九即名之以寓久久之意云

凌雲塔記

邑令蘇得坡

凡事必有本末士子文章報

國學業本也科甲末也牧民者作育人才興教勸學本也培植風水末也予宰斯邑課試生徒不乏錚錚佼佼之才而登賢書者究屬寥寥早有以風水攸關求加培植請者

寧遠縣志

五

覽涓流兩岸山勢順流無特出之峯巒以為表鎮是固有之第學校未興誦絃未遍舍本求末似屬非宜急於壬辰年修書院以立造士之基建舖舍以助勵士之費延師訓課士氣蒸蒸歲甲午蓼川紳士以修塔請極懇懇之而未集事庠生周世勳請酌建於近城而願司其事予於監修書院各工信其營繕之才雖心許之而經費無出仍未果行比及冬適有二百五十餘千之項召周生與之酌地於斯俾立高塔關收上川生氣而提振下川風景周生為庀材與張克仁許登峯等募化於城關乙未三月杪鳩工營造以郭生種玉生勗監其工而經畫度支一人獨司其

總五月杪又經經費之絀親募於鄉生於斯役可謂竭矣閏六月塔工告成巍然入望飄飄乎有凌雲勢焉予嘗誦嵩高一詩維嶽降神生甫及申信賢詰之生必鍾山州之靈秀至天事之或缺可補以人工塔興家有其說而人多不之信獨憶予鄉向來春闈未發榜花有前輩議修之塔屢興未成自丙子年予倡同志建成十餘丈高塔而十餘年內科甲聯翩登仕版者日盛一日雖非盡係建塔之力或此事亦未可厚非也今邑之士子向學有年想皆以芥拾青紫而斯塔適成於司牧者為

國儲材之意本末兼具由此而邑之文風日上豈非幸事也
寧遠縣志 六

耶

馬思誠 臧 鑽 周應熊

魏守相 劉經帶 周映遠

受業陳至化 漆克勤 聶元璽公梓

楊際泰 劉濬源 周世遠

康受陶 臧 鍊 周念典



寧遠志續略序



壬午夏胡公曉亭以賢能
奏最榮

覲西還余適承乏隴邑見昧所
輯寧遠續略一篇約而談
簡而瞻紹遺休於曩招昭
二 矩式於來茲甚盛軌也夫

序一

志權輿於高貢而具備於
周禮之職方蓋四方之志
掌至外史而土訓掌地圖
誦別掌方志其道綦詳而
其典至重也矧地處邊隅

視中土為尤亟一切沿革
張弛經營措置之宜非臚
列增修則前無可徵後無
所據顧文獻寥落之區援
据無資且一行作吏簿書
鞅掌案牘形勞纂述修明

序二

之任即博雅者恒難之公
蒞新興十紀興廢舉墜百
一度聿新公餘復捃摭遺佚
裒成是編使一隅形勝燦
若列眉瞭如指掌既以昭
聖朝聲教暨訖之隆復以見邊

邑風移俗易之效厥功願
不偉哉獨是公已榮調大
邑解龜有期何猶拳々於
是其嘉惠寧邑者誠無已
也宜寧人之家俎豆而戶
尸祝也乎古君子居有所

序三

樹行有所遺於公見之斯
編也知與棠蔭豐碑永流
馨於勿替也已予故樂為
弁其端云 肯

乾隆二十七年歲在元默
敷祥坤月壘七日

文林郎知隴西縣事年壽

寅弟羅元琦拜撰



序四

寧遠縣志續畧卷之一

文林郎知縣事荆門胡箕域輯

天文

周官保章氏相九州之域皆有分野以授時迺祥尚
矣寧遠雖百里星度自分原志闕軼殊為憾事茲參
隣志列諸簡端信垂象之非遙知有感之必應豫順
以動人事毋可忽諸輯天文志

星野

雍州之域井魁分野鞏昌圭井魁微入參墟縣在郡東
九十里其為井分無疑

寧遠縣志 卷一

按天文志天水入營室八度隴西入營室四度安定入
營室一度寧遠在安定之南天水之西隴西縣之東半

亦當入營室四度矣

此條原志載入地輿
移刊天文庶為允當


氣候

邑居秦隴之間隴地高寒不宜稻而邑之東鄉多植之
秦麥先郡城一月熟多屬夏至邑則先郡城十日熟以
小大暑之間地既近東氣亦稍速其瓜果桃棗之屬
隴稱繁炙焉冬候畧同

井池

圖攷


井宿



寧遠縣志

卷一

魁宿



易曰觀乎天文以察時變又曰天垂象見吉凶蓋二十八宿列四方各有分野猶諸侯郡國各安其土考禮正刑一德以崇天子也願善言天者必驗人事為夫休咎無常因人轉移昔子產博物君子其不泥於裨竈之言也有以哉

寧遠縣志續畧卷之二

文林郎知縣事荆門胡真域輯

地輿

先王建邦設鄉太牙交錯大小相維以成指臂之勢莫不相其山川險易道里遠近而分界繩焉寧遠介秦隴之間山谷重複地當南路孔道而仰觀俯察以為順時宜民之道者視名都劇縣固無以異也輯地輿志

沿革 詳原志

山川 詳原志

寧遠縣志 卷二

形勝 詳原志

八景 舊詳原志

新續八景

奎樓曉日 乾隆十九年邑侯胡公建閣在東郊海月初升景色鮮明可觀

新堤晴柳 邑逼近南山紅峪谷水恒為民患為邑侯介公鳩工庀材築堤長三百餘丈沿堤密植柳樹綠柳成行景色亦佳

武廟凌煙 乾隆十九年邑侯胡公建廟制輝煌一邑皆仰瞻

經閣蒸霞 即尊經閣也邑侯胡公建閣於天即氣清時五彩騰輝金碧輝煌學校注目

石龍漱渭 邑西郭門外渭水中有石深潭流如龍頭角西向竟長丈許吐納清波

玉蓮漾波 邑西郭門外渭水中有青石似王者經國五層層疊瓣秋水澄清時瓣浮水面出沒潔泐宛若蓮焉

方亭曲水 乾隆二十五年邑侯胡公建亭制虛殿四面環之以水風韻之士恒於此聚會浮白焉

古峽虹橋

邑西二十里有峽若有雲從峽口出東接西嶺山纏山腰而橫如橋者雨微也朝則暮應暮則朝應

風俗

詳原志

物產

詳原志

古蹟

詳原志

寺觀

詳原志

易曰王公設險以守其國寧雖小邑而東通三輔西控五涼巴蜀往來亦經歷焉非所謂四衝要害之區乎徹彼桑土綢繆牖戶後之守斯土者能毋誦豳詩而申防繕也歟

寧遠縣志續畧卷之三

文林郎知縣事荆門胡真域輯

建置

郡邑之設必有建置雖職不世守人民社稷存焉寧遠即彈丸經制區畫原志已詳之矣為標其目輯建置志

城郭

街市

公署

學校

寧遠縣志

卷三

六

賜書

以上舊詳原志

新賜書

自乾隆元年起至二十五年止

聖諭廣訓

周易折衷

書經傳說

詩經傳說

御纂性理

春秋傳說

十三經註疏

朱子全書

欽定四書文

廿一史

明史

生員

六學教詳原志

學規

社學

官秩

壇壝